



SARYARQA SAMALY

Павлодар облыстық газеті
1929 жылғы 15 ақпаннан шығады

22 қазан, сенбі
2022 жыл
№119 (15887)

ssamaly29@gmail.com www.saryarka-samaly.kz facebook.com/saryarqasamaly @saryarqa_samaly @saryarqa_samaly



Ел ертеңі - дарынды ұландар



Суретті түсірген - Валерий Будаев.

Павлодар облысында оқуда озат, спорт пен шығармашылықта жоғары жетістіктерге жетіп, аймақ намысын абыроймен қорғап жүрген балалар баршылық. Осындай озат оқушыларды жігерлендіріп, ынталандыру мақсатында «Тәуелсіздік ұланы» сыйлығымен марапаттау дәстүрге айналып келеді. Бұрнағы күні аймақ басшысы Әбілқайыр Сқақов 100 үздік шәкіртке арнайы белгі мен ақшалай сыйлықты салтанатты түрде табыс етті.

Жалғасы 2-бетте ►►

Жас times:

«ЖАСТАР - ҚОҒАМНЫҢ ҚОЗҒАУШЫ КҮШІ»

Қоғамда жастардың орны бөлек. Елдің тірегі болып қана қоймай, болашақты да айқындайтын жастар буыны екені даусыз. Келешегін бағамдайтын қазіргі мемлекет жастарының санасы ояу, білімі жоғары болуы үшін барлық мүмкіндіктер берілуде.

Толығырақ 6-бетте ►►

Құрметті
оқырман!

«Saryarqa samaly» газетіне 2023 жылға
жазылу басталды! Жазылу шарттары 11-бетте

Нақпа-нақ

Биыл облыстағы -
білім саласына

148
млрд теңге
бөлінді

ЕЛ ЖӘНЕ БИЛІК

Жаңа жүйеге көшеді

ҚР Президенті Қасым-Жомарт Тоқаевтың Жолдауында айтылған бастамалар аясында жаңа Әлеуметтік Кодекс әзірленуде.

Кеше өңірімізге жұмыс сапарымен ҚР Еңбек және халықты әлеуметтік қорғау вице-министрі Олжас Ордабаев келіп, бір-қатар мекеме жұмысымен танысып, еңбек ұжымдарымен тілдесті. Министрдің орынбасары алдымен Павлодар қаласындағы жұмыспен қамту орталығына барып, алдағы уақытта бұл мекемелердің жұмысы толықтай жаңартынын атап өтті.

- Алдағы уақытта жұмыспен қамту орталықтары тарифтік қаржыландыруға көшеді. Яғни, әр маманның жұмыс тиімділігі мен нәтижесі бағаланады. Соған қарай еңбекақы төленеді. Бұл халыққа көрсетілетін қызмет сапасын арттыруға оң әсер беруі тиіс, - деді вице-министр.

Сонымен қатар, Олжас Ордабаев пен облыс әкімінің орынбасары Айзада Құрманованың қатысуымен өткен жиын барысында отбасылардың әлеуметтік цифрлық картасын дайындау мәселесі талқыланды.

- Мемлекеттік органдардың ақпараттық жүйелерінің мәліметтері бойынша цифрлық картада 6,3 млн отбасы туралы мәлімет бар. 1 қыркүйектен бастап оларға мемлекет тарапынан көрсетілуі тиіс көмектер туралы СМС-хабарламалар жіберіліп жатыр. Қазірдің өзінде 5,5 мыңнан астам адам жәрдемақы немесе төлемдерді арнайы өтініш бермей-ақ алу мүмкіндігін пайдаланды, - деді О.Ордабаев.

Отбасылық цифрлық карта арқылы жәрдемақы мен әлеуметтік төлемдердің 9 түрі бойынша қызмет көрсетіледі. 2023 жылдан бастап халықты әлеуметтік қорғау саласындағы қызметтердің тізімі кеңейтіледі. 2025 жылға қарай цифрлық карта әлеуметтік саладағы, денсаулық сақтау мен білім берудегі мемлекеттік қолдау түрлерін де қамтиды.

Одан соң Олжас Отарбаев Павлодар мұнай-химия зауытының ұжымымен, белсенді жастармен және Май ауданының тұрғындарымен кездесіп, әлеуметтік қорғау, жұмыспен қамту бағытында атқарылып жатқан істер және жоспарланған шаралар туралы ой-пікір алмасты. Павлодар облысы тұрғындарының ұсыныстары жаңа жобаларды әзірлеуде, қарашада қабылдануы болжанған Әлеуметтік Кодексті толықтыруда ескерілетін болады.

Өз тілшіміз.